

1. ARIKETA

ARGITASUN S.A. sozietateak X0/12/31n ondorengo kontuak aurkezten ditu:

BALANTZEA, ARGITASUN, S.A.			
Aktiboa		Ondare Garbia eta Pasiboa	
AKTIBO EZ KORRIENTEA		FONDO PROPIOAK	
Ibilgetu Ukiezina	450.000	Kapital Soziala (BN=10€/tit)	1.000.000
Ibilgetu Materiala	350.000	Erreserba Legala	145.000
		Estatutu Erreserba	30.000
		Jaulkipen Prima	100.000
		Borondatezko Erreserba	250.000
		Aurreko Ekit. Em. Negat.	(350.000)
		Ekitaldiko Emaidza	(200.000)
AKTIBO KORRIENTEA		PASIBO EZ KORRIENTEA	
Izakinak	100.000	Epe Luzeko Zorrak	200.000
Zordunak	120.000		
Epe laburreko inbertsio Fin.	100.000	PASIBO KORRIENTEA	
Diruzaintza	80.000	Hornitzaileak	50.000
Aldizkapen doikuntzak	25.000		
GUZTIRA		GUZTIRA	

A. X1 ekitaldiko otsailaren 15ean, bazkideen batzar orokorrak, azken ekitaldietako emaitza negatiboak eliminatzeko administratzaileek aurkeztutako egitasmoa onartu du: kapital zabalkuntza: parean akzio berriak; 2 akzio zaharren truke bat berria; %75ean liberatuta; %100ean despoltsatu beharra.

Halaber, bazkideen batzar orokorrak ekitaldiko emaitzak aurreko ekitaldietako emaitzetara eramatea ere onartu zuen.

ESKATZEN DENA:

1. Akzio bakar bakoitzari dagokion LHeren balioa kalkulatu.
2. Kontabilizatu eragiketak.
3. Akziodun berri batek zein kostu izango du zabalkuntzaren %10a eskuratzeko? Suposatu, beharrezkoak diren eskubideak lortzen dituela. Nori ordaindu beharko dio? Titulu berri bakoitzagatik ordaintzen duen balioa, zerekin dator bat?
4. Administrazio kontseiluak hasiera batean %100ean liberatuak izatea pentsatu zuen, baina arazo legalak ikusita ez zuten aurrera eraman. Ondo egin zuen? Zergatik?

OHARRA: ondorengo B eta C atalak egiteko, akzioak %75ean liberatuta daudela suposatuko da.

B.-X1eko uztailaren 1ean, bazkideen batzar orokorrak, balio nominala gutxituz kapital murriztapena onartu zuen, galera guztiak estaltzeko. Erreserba legala, legeak onartzen duen minimoan mantentzea erabakitzen da.

ESKATZEN DENA:

5. Eragiketa kontabilizatu.
6. Kalkulatu Balio Nominal berria.
7. Erreserben %100a konpentsatu izan balitz, zein izango litzateke balio nominal berria?

OHARRA: C atala egiteko, erreserba legalean legeak adierazten duena mantenduko da.

C. X1 urtean, LUZ sozietateak ez zuen esperotako emaitza lortu. Gainera, ekonomiaren atzerakada ikusita etorkizun txarra sumatzen da. X1 urtean 450.000€ko galerak izan ziren.

ESKATZEN DENA:

Komentatu enpresaren egoera X1 urtean eta zer aholkatzen duzun (itxiera, kapital murrizketa...). Azaldu zergatiak.

2. ARIKETA

MAFALDA, S.A. sozietateak burtsan 100.000 akzio propio eskuratzen ditu. Titulu bakoitza 20€tan (gastuak barne) balio nominala 10€koa izanik. Ondoren 90.000 titulu saltzen ditu 1.980.000€tan.

Gainontzeko tituluak kapitala murrizteko erabiliko dira, bazkideen batzar orokorrean onartu den bezala. Eragiketa erabilgarriak diren erreserbekin gauzatu da.

ESKATZEN DENA: kontabilizatu eragiketak beharrezkoak diren azalpenak emanez.

3. ARIKETA

BOROBIL, SA sozietateak 2011 ekitaldi bukaeran ondorengo ondarea aurkeztu du:

<u>FONDO PROPIOAK</u>	<u>54.000</u>
(100) Kapital Soziala	90.000
(112) Erreserba Legala	12.000
(113) Borondatezko erreserba	5.000
-(121) Aurreko ekitaldietako emaitza negatiboak	-46.500
-(129) Ekitaldiko emaitzak	-6.500
<u>JASOTAKO SUBENTZIOAK</u>	<u>3.000</u>
GUZTIRA ONDARE GARBIA	57.000

ESKATZEN DENA:

- 1) Enpresaren ondarearen egoera eta bere ondorioak komentatu.
- 2) Kapitala murriztu behar izango balitz, adierazi zenbatean eta kontabilizatu eragiketa.
- 3) Enpresaren ondarearen egoera berria komentatu eta azaldu ea arazorik sumatzen den.